

MADOG ap GRUFFYDD (bu farw 1236), arglwydd Powys

Enw: Madog ap Gruffydd
Dyddiad marw: 1236
Plentyn: Angharad ferch Madog ap Gruffydd
Plentyn: Madog Fychan ap Madog ap Gruffydd
Plentyn: Howel ap Madog
Plentyn: Maredudd ap Madog
Plentyn: Gruffydd Iâl
Plentyn: Gruffudd ap Madog
Rhiant: Angharad ferch Owain Gwynedd
Rhiant: Gruffydd ap Madog
Rhyw: Gwryw
Galwedigaeth: arglwydd Powys
Maes gweithgaredd: Gwleidyddiaeth a Mudiadau Gwleidyddol; Gwasanaethau Cyhoeddus a Chymdeithasol, Gweinyddiaeth Sifil; Teuluoedd Brenhinol a Bonheddig
Awdur: Thomas Jones Pierce

Mab hyn [Gruffydd Maelor I](#) ac Angharad, ferch [Owen Gwynedd](#). Ynghyd â'i frawd Owen, dilynodd [Gruffydd Maelor](#) yn 1191, a phan fu Owen farw yn 1197 daeth yn unig reolwr Powys i'r gogledd o afonydd Rhaeadr a Thanat. O hyn ymlaen daeth y wlad hon - a gynhwysai Maelor Gymraeg a Maelor Saesneg, Iâl, Cynllaith, Nanheudwy, a rhan o Mochnant - i'w galw yn Powys Fadog o'i chyferbynnu â Phowys Wenwynwyn (gweler dan [Gwenwynwyn](#)).

Ar y cyntaf yr oedd Madog yn gyfeillgar â [Llywelyn I](#), eithr troes ei gefn ar ei gefnder pan oedd ffawd hwnnw yn bur isel yn 1211. Parhaodd i gadw draw wedi i [Lywelyn](#) ailffurfio'r gynghreiriaeth Gymreig yn 1212 ac ystyrir ef fel un o gynghreiriaid cydnabyddedig y brenin John, yn derbyn tâl ganddo. Erbyn 1215, fodd bynnag, fe'i ceir yn gadarn o blaid [Llywelyn](#) a pharhaodd felly hyd y diwedd.

Wedi ei farw ef yn 1236, amharwyd ar undod Powys Fadog gan y rhannu a fu cydrhwng ei bum mab - Gruffydd Maelor II, Gruffydd Iâl, Maredudd, Howel, a [Madog Fychan](#). Claddwyd ef yn abaty Glyn y Groes, a sefydlasai ef ei hun - mynachlog ddiwethaf Urdd y Sistersiaid yng Nghymru.

Awdur

Yr Athro Thomas Jones Pierce, (1905 - 1964)

Ffynonellau

J. E. Lloyd, *A History of Wales from the Earliest Times to the Edwardian Conquest* (London 1911), Cyf. I

J. E. Lloyd, *A History of Wales from the Earliest Times to the Edwardian Conquest* (London 1911), Cyf. II

Darllen Pellach

Erthygl Wicipedia: [Madog ap Gruffydd Maelor](#)

Dolenni Ychwanegol

Wikidata: [Q2615757](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

